

**ՀՈՎՀԱՆՆԵՍ ՍՐԿ.
ԳԸՎԸԳՅԱՆ**

(Բ խարան)

ԽՈԿՈՒՄ ԱՂՈԹՔԻ ՄԱՍԻՆ

Համատարած մութ է: Ամեն ինչ ծածկվել է խավարի ծովում:

Աղջամուղջի միջից ահարկու ոգիների նման իրենց բարձրաբերձ հասակով ու վիթխարի կազմով, ուրվականային սևությամբ երևում են Մայր տաճարի գմբեթները:

Երկնքում լուսնի երեսը տեղ-տեղ ծածկված է մութ ամպերով:

Սուրալով փչում է հյուսիսային քամին:

Ժամը 9.30 է: Սովորություն է հոգևոր ճամբարանի սաներիս, ամեն չորեքշաբթի իրիկուն հավաքվել տաճարում, խոկումի պահեր անցկացնելու: Այս միաստիկ պահին մասնակցում են միայն ճամբարանի սաները: Առանձնացած, մի անկյունում քարացած, ինքնամփոփ ու երկյուղածությամբ յուրաքանչյուր ապրում է իր խոկումի պահը:

Գիշերվա այս խաղաղ պահին, **Իջման ս. Սեդանի** պլալացող մոմի ցուլի ներքև աղոթում ու մտածում են: Այստեղ ամեն ինչ ոգեկան է, այստեղ նյութը պատյան չէ, ոգին, գաղափարը զարման հույժի ծիլերի նման նյութը ճեղքելով հորդել են, վարարել, և ինձ թվում է, թե այստեղ, այս փոքրիկ տաճարում ջնջվում են սահմանները անսահմանի, ու հավերժի, վայրկյանի, ժամանակի և տարածքի միջև անէաճանում են տարբերությունները և անէացած, աղոթքով զորացած ինքնամոռաց մարդիկ ապրում են այս հազվագյուտ գերերջանիկ կյանքի պահերից մեկը:

Աղոթքը սրտի մեջ վառված մի լույս է, կարդալու համար գերազույն իմաստության օրենքը՝ Աստուծո կամքը: Աղոթողի համար Աստված սպիտակափառ ամպերի վրա չէ նստած երկնքում, Նա միայն տիեզերքի անհունության մեջ չէ, այլ ամենուր, ամեն թփի ու շյուղի, բնության մեջ տրոփող ամեն մի մասնիկի, այլև մեր հոգու մեջ: Պետք է բաց

անել այն թանձր քուլը, որ հաճախ փակում է մեր հոգու աչքերը: Աղոթքը հոգու քողազերծումն է՝ բացահայտելու համար ճշմարտության և գեղեցկի անդրազույն լույսը: Աղոթքը հոգու տեղն է դեպի ճշմարիտը, սուրբը, գեղեցիկը, դեպի Աստված:

Մարդկային կյանքը լի է նեղություններով, փորձություններով, և մեր հոգին տատալում է մարդկային ներքին հավիտենական հակասությունների մեջ, և մարդու կյանքը տարաբերվում է անվերջ պայքարի, ներհակ ապրումների ոլորտում մինչև իր վախճանը: Ինչպես կողմնացույցի պաթը միշտ հակված է դեպի հյուսիս, այնպես էլ մարդկային եսը հակված է դեպի աշխարհայինը, փառքն ու վայելքը:

Այս խորհրդավոր պահին, հեռու աշխարհային բոլոր հոգսերից ու ժխորից, մեզնից յուրաքանչյուրը կամենում է սրբվել, թեթեվանալ ու խաղաղություն գտնել:

Աղոթքի պահը սրբազան մի վայրկյան է մարդու կյանքում, երբ նա իր ամենաթանկարժեք ունեցվածքը՝ սիրտը, պատարագում է Աստծուն: Հպատակվել ուրիշի կամքին՝ նշանակում է կորցնել ներքին անկախությունը, այնինչ այստեղ աղոթքով հոգին ոչ միայն չի կորցնում, այլև սրբվում, մաքրվում է: Զերմեռանդ աղոթքի ազդեցության տակ մարդկային հոգին, ինչպես ամպ, լցվում է սիրո ցողով, ծարաված, բանավոր տունկերի վրա անձրևելու, բաշխվելու համար: Աղոթքը կենարար ալն լույսն է, որ փարատում է մեր հոգու վրա նստած մեզր, այն բանալին, որով լուծվում է կյանքի առեղծվածը: Աղոթքով ու հավատքով լցված ու ներշնչված անհատներ շատ են եղել մեր ժողովրդի մեջ, որոնց հոգիները թափ ու թոփչք են ստացել, սավառնել երկնքի ոլորտ-

ներում և ստեղծել հոգեպարար, մարգար-տաշար աղոթքներ, որոնք մոտեցրել են մարդուն հավիտենականության և ժամանակի խորհրդին: Այդ հավատքով են գործել ու աղոթել նարեկացիներն ու շնորհալիները, որոնցիցներն ու տաթևացիները, որոնք որպես հայ ժողովրդի մեծ աղոթարարներ, լուսավոր աստղերի նման փայլում են հայոց պատմության երկնակամարում:

Աղոթքը սեր է, անձնվիրություն դեպի մեր երկնավոր Հայրը և երկրավոր որդիները, ու մարդկությունն է: Աղոթքը ավելի ուխտ է Աստուծո հետ, քան խնդրանք: Ի՞նչ արժեք պիտի ունենային այս մեծակառույց պուրներն ու կամարները, եթե նրանց գմբեթների տակ

չլսվեին աղոթքի մրմունջներ: Մարդ աղոթքով միշտ վերածնվում է և մոտենում Աստծուն՝ ձուլվելու համար Նրա մաքրամաքուր էությունը:

Եվ ահա այս խորհրդավոր պահին, այս պատմական կամարների տակ, բոլորի սրբուերից իբրև երգեհոն, միաձայն, դանդաղ և կերկեր՝ լսելի է դառնում Նարեկացու «Բարձրիմեն ողորմած, զանքերելի ծանրութիւն...» հոգեզմայլ ու հուզիչ աղոթքը:

Ու ականա աչքերս փակվում են, և ես շնջում եմ. «Ուղիղ եղիցին աղօթքն իմ, որպէս խումկ առաջի քո Տէր: Ուղիղ եղիցին...»:

